



**LUR POST DA
CONSULTAZIUN PELLA
PROMOZIUN DAL LÖ
AINT ILS CUMÜNS DA**

SAMIGNUN

SCUOL

VAL MÜSTAIR

VALSOT

ZERNEZ

NUS ANS ALLEGRAIN

SÜN ÜN PRÜM CONTACT

Insembel cun Ellas/Els rinforzaina la Regiun Engiadina Bassa/Val Müstair: sco lö da lavur, dachasa, destinaziun turistica e seguonda patria, cuntrada natürala e culturala unica sco eir regiun da sandà.

Gugent Tillas/Tils bivgnantaina aint in nos büro o fain üna visita al lö da Lur proget.

Regiun Engiadina Bassa/Val Müstair
Svilup regiunal
Chasa du Parc
7550 Scuol

Tel. 081 861 00 04
svilupregional@ebvm.ch

www.regiunebvm.ch/svilup-regional

Il svilup regiunal sco post da consultaziun pella promoziun dal lö vain portada da la Regiun EBVM cul sustegn da l'Uffizi per economia e turissem dal Grischun.

SVILUP REGIONAL

REGIONALENTWICKLUNG

NO PERSEGUITAIN BÖTS REGIONALS

Il cumüns da Samignun, Scuol, Val Müstair, Valsot e Zernez perseguite-schan l'Agenda 2030 Regiun Engiadina Bassa/Val Müstair (EBVM) sco strategia regionala pel svilup dal lö. L'agenda definischa meras e masüras strategicas in tschinch chomps d'acziun: il spazi da lavurar, il spazi da viver e d'abitar, il spazi pel temp liber e per vacanzas, la cuntrada e las resursas natüralas sco eir la regiun da sandà. La digitalisaziun, la collavuraziun transcunfinala, la persistenza, la mobilità e la governance vegnan resguardadas sco temas interdisciplinars.

Il Forum Regiun EBVM accumpogna la realisaziun da l'Agenda 2030. Rapreschantantas e rapreschantants da l'economia, la società e la politica da la regiun s'inscuntran regularmaing per sviluppar inavant la regiun cun üna visium cumünaivla.

Scuvrir l'intera Agenda 2030 Regiun EBVM sün nossa website.



NO SPORDSCHAIN CUSSAGLIAZIUNS PER LUR PROGET

Nossa sporta da cussagliaziun metta il focus sülla fasa iniziala da progets. Ella as drizza a persunas singulas, intrapraisas, organisaziuns ed instituziuns publicas in tuot la regiun. Tenor bsögn Tillas/Tils accumpagnaina pro'l svilup dal proget e la planisaziun da la finanziaziun, no colliain partenaris tanter pèr ed intermediain mezs da promoziun.

NRP & INTERREG

Il svilup regional intermediéscha – sco post da consultaziun pella nouva politica regionala (NPR) – mezs publics da promoziun. La Confederaziun e'l chantun Grischun promouvan cun quists mezs il svilup economic regional dal territori muntagnard. Sco post da consultaziun per «Interreg» coordinescha il svilup regional plünavant progets chi vegnan realisats in collavuraziun cullas regiuns cunfinantas, il Tirol e'l Tirol dal Süd (Terra Raetica) sco eir la Lombardia. Concretamaing cusgliaina a portaders da progets pro l'elavuraziun e l'inoltraziun da dumondas da promoziun aint il rom da la NPR sco eir dal program d'Interreg.

Las plü bunas vistas da surgnir üna promoziun (NPR o Interreg) han progets chi promouvan ün augmoint da la valor regionala, chi s-chaffischan plazzas da lavur e chi han ün concept intergestiunal. Sün regio-suisse.ch as chatta üna survista da las promoziuns disponiblas actualmaing per progets sül chomp dal svilup regional.

NO INIZIAIN ED INTRETSCHAIN

Il svilup regional iniziescha e maina process d'importanza regionala. Aint il rom da l'Agenda 2030 vegnan trattats – in fuorma da progets regiunals – tanter oter ils seguaints temas: politica d'uffants e da giuvenils, prodots regiunals, digitalisaziun e management d'aua.

INSCUNTERS REGIONALS

Il svilup regional spordscha üna platafuorma pel barat regional davart temas actuals e per l'intretschamaint cun exponents interessants. Per quist intent organisaina e moderaina regularmaing inscunTERS regiunals da barat. Da quists inscunTERS pon nascher activitats cumünaihlas e progets regiunals.

PREMI D'INNOVAZIUN

Cul premi undrescha la regiun EBVM minch'on ün'intrapraisa innovativa o ün proget innovativ. Candidaturas as poja annunzchar adüna tanter ils 1 november e'ls 31 december, in occasiun da la publicaziun ufficala. Il premi es dotà cun 3'000 francs.